



PRESS RELEASE



**Ka Sorkar India ka la pyntreikam ia ka Viksit Bharat – Guarantee for Rozgar
and Ajeevika Mission (Gramin) Act, 2025 Kaba wanrah ia ka jingkylla kaba
khraw na ka MGNREGA sha ka VB-G RAM G ka ban treikam
naduh ka 1 tarik u Naitung, 2026**

Ka Sorkar India ka la pynbna ba ka Viksit Bharat – Guarantee for Rozgar and Ajeevika Mission (Gramin) Act, 2025 (VB-G RAM G) kan sdang treikam ha ki thain nongkyndong ha kylleng ka Ri, naduh ka 1 tarik u Naitung, 2026. Ba ia kane, ka Mahatma Gandhi National Rural Employment Guarantee Act (MGNREGA), 2005 yn sa pyndam noh.

Ka VB-G RAM G Act ka ai ia ka jingkular ban ai kam da k aba pynkiew na ka 100 sngi sha ka 125 sngi ha man la ka shi snem na ka bynta ki longiing ha ki thain nongkyndong kiba don ki dkhot kiba la san l rangbah kiba kloi ban trei ia ki kam hapoh jong ka skhim. Ka jingthmu ka long ban pynkhlañ ia ka ioh ka kot bad ka ioh kam ioh jam lyngba ka bainong ba ki ioh na kane ka skhim, bad ban ai ka jingkyrshan ruh de ka ka kham bha ia ki longiing kiba kham duna ka jingioh, kaba long ruh ka thong jong ka Viksit Bharat @2047.

Ki bynta ba kongsan jong ka Aiñ:

- **Ka jing pynkhlañ ia ka kular ban ai kam:** Ka jingkular ban ai kam 125 sngi ha man la ka shi snem na bynta ki longiing ha ki thain nongkyndong kiba kloi ban trei.
- **Ka jingkylla kaba shngaiñ ia ki nongtrei:** Ki Job Card kiba la dep leh ia ka e-KYC kin dang bteng ban treikam tad haduh ba la sam da ki Gramin Rozgar Guarantee Card ba thymmai.
- **Ka jingioh jingsiew lada khlem ioh ia ka kam ba la dawa:** Lada ym lah ban ai kam ha ka por ba la buh, ki nongtrei kin ioh jingsiew la kumno kumno shi bynta la saw na ka dor bai sngi na bynta ki 30 sngi nyngkong bad shiteng na ka dor bai sngi hadien kata.
- **Ka jingsiew biang por:** Ka jingsiew kan poi beit sha ki bank account/post office lyngba DBT, ha ka por ka ba biang bad kan don ka jingsiew lada slem.
- **Ka jingpynbun ia ki jait kam ban trei:** Ia ki kam ha kane ka aiñ thymmai la phiah ha ki saw bynta kita ki long ki kam ban pyntrei haka ba iadei bad ki um, ki jingtre/ jingshna kiba donkam ha ki shnong , ki jingtrei kiba lah ban ai kam ai jam, bad ki jingtrei ki ban iada na ka jingkylla mariang.

- **Ki jingdonkam ha ki jaka trei:** Ka aiñ ka pyntikna ban ai ka um dih um bam ba khuid ba suba, jaka rieh tngen, jaka shong thait, ki tiar bad ki dawai ai jing sumar, ki jaka ban buh bad peit ia ki khyllung khynnah haki jaka trei, bad ki lad ai jingiarap ha ki jingjia aksiden.
- **Ka jing pyntrei ia ki kam kat kum ka juk technology:** Ka jing pyndonkam ia ka biometric, mobile-based monitoring, geo-tagging, real-time dashboards, bad ka jingpynkhlañ ia ki social audit.

Kat kum ka Sorkar Pdeng, ka jingkylla na ka MGNREGA sha ka aiñ thymmai VB G RAM G kan long kaba “iaid beit iaid ryntih khlem jingthut”. Ia ka MGNREGA yn sa pyndam noh ha ka 1 tarik Naitung, 2026, bad yn sa pyntrei kam noh da ka VB-G RAM G Act ha ka juh ka sngi . Ki kam ba dang iaid bad ki jingtei paidbah ha ka MGNREGA kiba dang sah ban trei pyndep yn kham pyn leit jingmut bad ban pyndep noh iaki kham klooi.

Ka rukom bhah pisa na ka sorkar pdeng sha ki jylla ka long 90:10 na ka bynta ki jylla Shatei Lam mihngi ka Ri India bad ki Jylla ri lum, katba ka jingbhah ka long 60:40 na bynta kiwei pat ki jylla bad Union Territories kiba don Assembly, bad 100% na ka sorkar pdeng na bynta ki Union Territories ki bym don Assembly.

Kane ka aiñ ka buh bad wanrah ia ka jing ai kam ai jam ha ki thain nongkyndong khnang ban pynkiew ia ka roi ka par ha ki shnong ki thaw lyngba ka jing pyntrei ia ki jingshna kiba neh slem, kaba iaid ryngkat bad ka thong jong ka Viksit Bharat @2047. Lyngba kane ka jingkyrshan kam bad ka jing iarap ban kyntiew ia ka ioh ka kot, kane ka rukom treikam ka ai bor ia ki shnong/Village Employment Council ban ialam bad pynkhreh da ki Viksit Gram Panchayat Plans, ban pynkiew ia ka roi ka par na ka bynta ka bha ka miat ki paidbah. Ka aiñ ka phai khmat ruh sha ka jing pynneh pynsah, ka jing iada ia ka mariang bad ka jingpynkhreh ia ki jingjia ba wan lynshop na ki bor mariang, ban pynlong ia ki shnong nongkyndong ba la khreh ban iada na ki jingeh ha ka lawei bad kumjuh ruh ban pyntrei ia ki jingtei/jingshna kiba neh kiban nang pynkhlañ ia ka ioh ka kot ha ki shnong ki thaw.